



曾文定公全集卷之四

南豐後學彭期編訂

洪範傳

惟十有三祀王訪于箕子王乃言曰嗚呼箕子惟天
陰隲下民相協厥居我不知其彝倫攸叙箕子乃言
曰我聞在昔鯀陴洪水汨陳其五行帝乃震怒不畀
洪範九疇彝倫攸斁鯀則殛死禹乃嗣興天乃錫禹
洪範九疇彝倫攸叙

何也。武王歎而謂箕子。天不言而默定下民相助。協順其所居。居謂所以安者也。而我不知其常理。所次序箕子。乃言我聞在昔鯀之治水也。至於五行皆亂。其陳列故上帝震怒。不與之。以洪範九疇。而常理所以敗。鯀則殛死。及禹繼而起。天乃與之。以洪範九疇。而常理所以叙。蓋水之性潤下。而其爲利害也。尤甚。故鯀之治水也。墮之。則失其性。而至於五行皆亂。其陳列及禹之治水也。導之。則得其性。而至於常倫。所以叙。常倫之叙者。則舜稱禹。

地平天成六府三事允治萬世永賴時乃功也其
曰天乃錫禹洪範九疇蓋易亦曰洛出書然而世
或以爲不然原其說之所以如此者以非其耳目
之所習見也天地之大萬物之衆不待非常之智
而知其變之不可盡也人之耳目之所及亦不待
非常之智而知其不能遠也彼以非其所習見則
果於以爲不然是以天地萬物之變爲可盡于耳
目之所及亦可謂過矣爲是說者不獨蔽于洪範
之錫禹至鳳凰麒麟玄鳥生民之見于經者亦且

以爲不然。執小而量大。用一而齊萬。信臆決而疑經。不知其不可。亦可謂惑矣。五行五者行乎三才萬物之間。故

初一日五行

其在人爲五事故

次二曰敬用五事

五事敬則身脩矣。身脩然後可以出政。故

次三曰農用八政

政必協天時。故

次四曰協用五紀

脩身出政協天時不可以不有常也常者大中而已矣故

次五曰建用皇極

立中以爲常而未能適變則猶之執一也故

次六曰乂用三德

三德所以適變而人治極矣極人治而不敢絕天下之疑故

次七曰明用稽疑

稽疑者盡之於人神也。人治而通於神明者盡然。猶未敢以自信也。必考己之得失於天故。

次八曰念用庶徵。

徵有休咎則得失之應于天者可知矣。猶以爲未盡也故。

次九曰嚮用五福威用六極。

福極之在民者皆吾所以致之故。又以考己之得失於民也。敬本諸心而見諸外故。五事曰敬用用其厚者固治人之道也。故八政曰農用農厚也。天

時協則人事得故五紀曰協用謹其常則中不可
不立也故皇極曰建用建立也又者所以救其過
持其常也故三德曰又用明則疑釋故稽疑曰明
用庶徵之見于天不可以不念故庶徵曰念用福
之在於民則宜嚮之故五福曰嚮用極之在於民
則宜畏之故六極曰威用威畏也凡此者皆人君
之道其信不可雜而其序不可亂也推其爲類則
有九要其始終則猶之一言而已也學者知此則
可以知洪範矣

一五行一曰水二曰火三曰木四曰金五曰土水曰潤下火曰炎上木曰曲直金曰從革土爰稼穡潤下作鹹炎上作苦曲直作酸從革作辛稼穡作甘

何也蓋爰者於也潤下炎上者言其所性之成於天者也曲直從革者言其所化之因於人者也於是稼穡而不及其他者於是稼穡亦言其所化之因於人者也不及其他者莫大乎於是稼穡也夫潤下炎上言其所性之成於天者然水導之則行○濬之則聚○火燃之則熾○宿之則壯○則其所化亦未

嘗不因之於人也。或曲直之。或從革之。或稼穡之。言其所化之。因於人者。然可以曲直。可以從革。可以稼穡。則其所性亦未嘗不成之于天也。所謂天不人不因人。不天不成者也。其文所以不同者。非固相反。所以互相明。而欲學者之自得之也。潤下者水也。故水曰潤。下炎上者火也。故火曰炎。上木金亦然。惟稼穡則非土也。故言其於是稼穡而已者。辭不得不然也。又言潤下。所以起鹹。炎上。所以起苦。曲直。所以起酸。從革。所以起辛。稼穡。所以起

甘者凡爲味五。或言其性。或言其化。或言其用。或言其味者。皆養人之所最大者。則不言此。所以爲要言也。虞書禹告舜曰。政在養民。而陳養民之事。則曰水火金木土穀惟脩。與此意同也。

二五事。一曰貌。二曰言。三曰視。四曰聽。五曰思。貌曰恭。言曰從。視曰明。聽曰聰。思曰睿。恭作肅。從作父。明作哲。聰作謀。睿作聖。

何也。蓋自外而言之。則貌外於言。自內言之。則聽內於視。自貌言視聽而言之。則思所以爲主於內。

故曰貌曰言曰視曰聽曰思。彌遠者彌外。彌近者
彌內。此其所以爲次序也。五者思所以爲主於內
而用四事於外者也。至於四者則皆自爲用而不
相因。故貌不恭者不害於言。從視不明者不害於
聽。聰非貌恭言從然後能哲。能哲然後能謀。能謀
然後能思。而至于聖也。曰思曰睿。睿作聖者。蓋思
者所以克人之材。以至於其極。聖者人之極也。孟
子曰。人之性或相倍蓰而無算者。不能盡其材。不
能盡其材者。弗思耳矣。蓋思之於人也如此。然而

最確
鐵曰此解

或曰不思而得何也蓋人有自誠明者不思而得
堯舜性之是也所謂誠者天之道也有自明誠者
思之弗得弗措也湯武身之是也所謂思誠者人
之道也然而堯舜湯武之德其至皆足以動容周
旋中禮則身之者終亦不思而得之也堯舜性之
矣然堯之德曰欽明文思蓋堯之所以與人同者法
也則性之者亦未嘗不思故曰誠則明矣明則誠
矣而性之身之者及其成孟子皆以謂盛德之至
也箕子言思所以作聖孟子言弗思故相倍蓰而

無○算○其○所○言○者○皆○法○也○曰○視○曰○明○明○作○哲○聽○作○聰○
聰○作○謀○者○視○之○明○無○所○不○照○所○以○作○哲○聽○之○聰○無○
所○不○聞○所○以○作○謀○也○人○之○於○視○聽○有○能○察○於○閭○巷○
之○閒○米○鹽○之○細○而○不○知○蔽○於○堂○阼○之○上○治○亂○之○幾○
者○用○其○聰○明○於○小○且○近○故○不○能○無○蔽○於○大○且○遠○也○
古○之○人○知○其○如○此○故○前○旒○蔽○明○黉○纁○塞○聰○又○以○作○
聰○明○爲○戒○夫○如○是○者○非○塗○其○耳○目○也○亦○不○用○之○於○
小○且○近○而○已○矣○所○以○養○其○聰○明○也○養○其○聰○明○者○固○
將○用○之○於○大○且○遠○夫○天○下○至○廣○不○可○以○家○至○戶○察○

而能用其聰明於大且遠者蓋得其要也。昔舜治天下以諸侯百官而總之以四岳。舜於視聽欲無蔽於諸侯百官則詢於四岳。欲無蔽於四岳則闢四門。欲無蔽於四門則明四目。達四聰。夫然故舜在士民之上。非家至戶察而能立於無蔽之地。得其要而已矣。其曰明四目達四聰者。舜不自任其視聽而因人之視聽以爲聰明也。不自任其聰明而因之於人者。固君道也。非君道獨然也。不自任其聰明而因之於人者。固天道也。故曰天聰明自

我民聰明。又曰惟天聰明。惟聖時憲。舜于聰明。下
盡人上參天。斯其所以爲舜也。舜之時至治之極
也。人豈有欺舜者哉。舜於待人亦豈疑其欺已也。
然而訪問反覆。相參以考察。又推之於四面。若惟
恐不能無所蔽者。蓋君天下之體固不得不立於
無蔽之地也。立於無蔽之地者。其於視聽如此。亦
不用之於小且近矣。夫然故蔽明塞聰而天下之
情可坐而盡也。言曰從從作父者。易曰出其言善
則千里之外應之。出其言不善則千里之外違之。

則言之要爲可從而已也。言爲可從也。則其施於
用治道之所由出也。古之君人者。知其如此。故其
戒曰。慎。乃出令。令出。惟行。弗惟反。又曰。其惟不言
言。乃雍。而舜以命龍。亦曰。夙夜出納朕命。惟允。言
之不可違如此。貌曰恭。恭作肅者。孟子曰。今夫蹶
者。趨者是氣也。而反動其心。故曰。持其志。無暴其
氣。蓋威儀動作。見於外者。無不恭。則生於心者。無
不肅也。傳曰。人受天地之中以生。所謂命也。禮義
威儀之則。所以定命也。故顏淵問仁。孔子告之以

視聽言動以禮而衛之君子所以稱仁者亦曰威儀棣棣不可選也。貌之不可慢如此也。存其思養其聰明而不失之於言貌。故堯之德曰欽明文思言貌者。蓋堯之所謂文。則雖堯之聖。未有不先於謹五事也。

三八政一曰食二曰貨三曰祀四曰司空五曰司徒六曰司寇七曰賓八曰師

曰食曰貨曰祀曰賓曰師稱其事者達乎下也。曰司空曰司徒曰司寇稱其官者任乎上也。人道莫

急於養生○莫大於事死○莫重於安土○故曰食曰貨
曰祀○曰司空○孟子○以使民養生送死○無憾爲王道
始○此四者○所以不得不先也○使民足於養生送死
之具○然後教之○教之不率○然後刑之○故曰司徒曰
司寇○此彝倫之序也○其教之也○固又有序○可得而
考者○古之欲明明德于天下者○必始于知至意誠
心正○然後身脩○身脩然後家國天下治○以是爲大
學之道○百王莫不同○然而見于經者○莫詳于堯蓋
欽○明文思○堯之得于心者也○克明峻德○有諸心故

精微之論
透徹無比

能○求○諸○身○也○以○親○九○族○九○族○既○睦○有○諸○身○故○能○求○
諸○家○也○平○章○百○姓○百○姓○昭○明○有○諸○家○故○能○求○諸○國○
也○協○和○萬○邦○黎○民○於○變○時○雍○有○諸○國○故○能○求○諸○天○
下○也○積○于○其○心○以○至○于○身○脩○此○堯○之○所○以○先○覺○非○
求○之○於○外○也○積○于○其○家○以○至○於○天○下○治○此○堯○之○所○
以○覺○斯○民○非○強○之○於○耳○目○也○夫○然○故○堯○之○治○何○爲○
也○哉○民○之○從○之○也○豈○識○其○所○以○從○之○者○哉○此○先○王○
之○化○也○然○以○是○爲○無○法○立○司○徒○之○官○以○教○之○者○法○
也○教○之○者○導○之○以○效○上○之○所○爲○而○已○也○養○之○于○學○

所以使之講明文之以禮樂所以使之服習皆教
之之具也使之講明者所以達上之所爲使之服
習者所以順上之所爲所謂效之也上之所有故
下得而效之未有上之所無下得而效之也當堯
之時萬邦黎民之所效者堯之百官百官之所效
者堯之九族九族之所效者堯之身而導之以效
上之所爲者舜爲司徒也舜於其官則又慎徽五
典身先之也然後至於五典克從民效之也及舜
之時舜之導民者固有素矣然水害之後其命契

爲司徒則猶曰百姓不親五品不遜敬敷五教在
寬蓋憂民之不親而念其不順上之化命之以謹
布其教而終戒之以在寬豈迫蹴之也哉其上下
之際導民者如此此先王之教也爲之命令爲之
典章爲之官守以致於民此先王之政也蓋化者
所以覺之也教者所以導之也政者所以率之也
覺之無可言未有可以導之者也導之無可言未
有可以率之者也而況於率之無可言而欲一斷
之以刑乎孟子曰徒善不足以爲政徒法不能以

稱之亦有
叙證叙字
妙

自行其所謂善。覺之者也。其所謂法。導之者也。其
所謂政。率之者也。其相須以成。未有去其一而可
以言王道之備者也。先王之養民而廸之以教化。
如此其詳且盡矣。而民猶有不率者。故不得不加
之以刑。加以刑者。非可已而不已也。然先王之
刑。固又有叙矣。民之有罪也。必察焉。眚也。過也。非
終也。雖厥罪大。未加之以刑也。民之有罪也。必察
焉。非眚也。非過也。終也。其養之有所不足。其教之
有所不至。則必責已而恕人。故湯誥曰。惟爾萬方。

有罪在予一人予一人有罪無以爾萬方如是故
以民之罪爲自我致之未加之以刑也民之有罪
必察焉其養之無所不足教之無所不至不若我
政人之有罪矣民之罪自作也然猶有漸於惡者
久而蒙化之日淺者則有曰勿庸殺之姑惟教之
未加之以刑也民之有罪非肯也非過也終也自
作也教之而猶不典式我也則是其終無悛心衆
之所棄而天之所討也然後加之以刑多方之所
謂至於再至於三者也故有雖厥罪小乃不可以

不殺用刑如此其詳且慎故先王之刑刑也其養
民之具教民之方不如先王之詳且盡未有可以
先王之刑刑民者也矧曰其以非先王之刑刑民
也昔唐虞之際相繼百年天下之人四罪而已及
至于周成康之世刑之不用亦四十餘年則先王
之民加之以刑者殆亦無矣先王之治使百姓足
於衣食遷善而遠罪矣人之所以相交接者不可
以廢故曰賓賓者非獨施于來諸侯通四夷也人
之所以相保聚者不可以廢故曰師師者非獨施

于征不庭伐不悛也。八政之所先後如此。所謂彛倫之敘也。不然則彛倫之斁而已矣。

四五紀一曰歲二曰月三曰日四曰星辰五曰曆數。蓋協之以歲協之以月協之以日者所以正時而協之以星辰者所以考其驗於顯也。協之以曆數者所以考其驗於微也。正時然後萬事得其敘。所謂曆象日月星辰期三百六旬有六日以閏月定四時成歲也。

五皇極皇建其有極歛時五福用敷錫厥庶民惟時

厥庶民于汝極錫汝保極凡厥庶民無有淫朋人無有比德惟皇作極

何也言大建其有中故能聚是五福以布與衆民而惟時厥衆民皆于汝中與汝保中蓋中者民所受以生而保中者不失其性也凡厥衆民無有以淫爲朋人無有以比爲德蓋淫者有所過也比者有所附也無所過無所附故能惟大作中也人謂學士大夫別於民者也

凡厥庶民有猷有爲有守汝則念之不協於極不羅

於咎皇則受之而康而色曰予攸好德汝則錫之福
時人斯其惟皇之極無虐熒獨而畏高明人之有能
有爲使羞其行而邦其昌

何也言厥庶民有猷有爲有守者汝則念其中不
中其不協於中不罹于咎若狂也肆矜也廉愚也
直之類大則受之言大者非小者之所能受也而
安汝顏色而謂之曰予攸好德所以教之使協于
中也有猷有爲有守而不罹於咎者民之有志而
無惡者也不協于極者不能無所過而已教之則

其從可知也。如是而汝則與之以福。富之以祿。貴之以位。所以示天下之人而使之勸也。如此則是人斯其惟大之中矣。夫剛不中者。至於虐。熒獨柔不中者。至於畏。高明今也。惟大之中。故剛無虐。熒獨柔無畏。高明所謂剛而無虐。柔而立也。蓋剛至於虐。熒獨則六極惡之事也。柔至於畏。高明則六極弱之事也。惟_{六皇}極則五福攸好德之事。所以言之者不同。至其可以推而明之也。則猶一言而已也。洪範于皇極于三德于五福六極。言人之性。或

剛柔之中。或剛柔有過與不及。故或得或失。而其
要未嘗不欲去其偏。與夔之敎胥子。臯陶之陳九
德者。無以異。蓋人性之得失。不易乎此。而所以敎
與所以察之者。亦不易乎此也。敎之福之。而民之
協于中者。如此。又使有能有爲者。進其行而不已。
則久而後能積。積而後能大。大而後能著。人材之
盛如此。而國其有不興者乎。故曰。人之有能有爲。
使羞其行。而邦其昌也。

凡厥正人。旣富方穀。汝弗能使有好于而家。時人斯

其辜于其無好德汝雖錫之福其作汝用咎

何也言凡正人之道既富之然後可以責善責善者必始於汝家使無所好於汝家則是人斯其若辜矣既言不能正家以率之則陷人於罪又言不好德之人而汝與之福其起汝爲咎而已故曰于其無好德汝雖錫之福其作汝用咎也自皇建其有極至使羞其行皆所以教也而於此乃曰凡厥正人既富方穀又曰使無好于而家時人斯其辜者明教之必本于富行之必始于家其先後次序

然也。

無偏無陂。遵王之義。無有作好。遵王之道。無有作惡。
遵王之路。無偏無黨。王道蕩蕩。無黨無偏。王道平平。
無反無側。王道正直。會其有極。歸其有極。

何也。無偏無陂。遵王之義者。無過與不及。無偏也。
無不平。無陂也。所循者惟其宜。而無適莫。遵王之
義也。無有作好。遵王之道。無有作惡。遵王之路者。
作好作惡。偏於己之所好惡者也。好惡以理。不偏
于己之所好惡。無作好作惡也。所循者。通道大路。

而不由徑。遵王之道。路也。道路云者。異辭也。無偏。無黨。王道蕩蕩者。存於己者。無偏。則施于人者。無黨。無偏。無黨也。其爲道也。廣大而不狹。吝王道蕩蕩也。無黨。無偏。王道平平者。施于人者。無黨。則存於己者。無偏。無黨。無偏也。其爲道也。夷易而無阻。艱。王道平平也。無反。無側。王道正直者。無所背。無所反也。非在左而不得乎右。在右而不得乎左。無側也。其爲道也。所止者。不邪。所由者。不曲。王道正直也。如是。所以爲王之義。爲王之道。爲王之路。明。

王天下者未有不如是而可也。會于有極者來而
赴乎中也。歸于有極者往而反于中也。由無偏以
至無側。所知者非一曲。所守者非一方。推天下之
理達天下之故。能大而不遺小。能遠而不遺近。能
顯而不遺微。所謂天下之通道也。來者之所赴歸
者之所反中者。居其要而宗之者。如此所應者。彌
廣所操者。彌約。所謂天下之大本也。君人者未有
不由此而國家天下可爲者也。其可考于經則易
之智周乎萬物。道濟乎天下。故不過其可考于行。

事則舜之執其兩端而用中於民。湯之執中立賢
無方能推其無偏陂。無作好惡。無偏黨。無反側之
理。而用其無適莫。無由徑。無狹吝。無阻艱。無所背
無在左而不得乎右。在右而不得乎左者。以通天
下之故。而不泥執其所會所歸之中。以爲本。故能
定也。夫然。故易之道爲聖人之要道。非窮技曲學
之謂也。舜之治民爲皇建。其有極。用敷錫厥庶民。
非偏政逸德之謂也。湯之用賢爲翕受敷施。九德
咸事。非私好獨惡之謂也。洪範之爲類。雖九然充。

人○之○材○以○至○於○其○極○者○則○在○于○思○通○天○下○之○故○而○
能○定○者○則○在○于○中○其○要○未○有○易○此○也○

曰皇極之敷言是彝是訓于帝其訓凡厥庶民極之
敷言是訓是行以近天子之光曰天子作民父母以
爲天下王

何也曰者其辭也其辭以謂人君之于大中旣成
之以德又布之以言是以爲常是以爲順于帝其
順而已人君之于言順天而致之于民故凡其衆
民亦于極之布言是順是行以親附天子之輝光

而曰天子作民父母爲天下王曰父母者親之辭也曰王者尊之辭也上之人於遵王之義至王道正直能繇前之說則下之人於順上之所行所言而相與附之其愛之曰父母而戴之曰天下王必由後之說經所以始其義於彼而終其效于此者以明上之所以王者如是則下之所以王之者如是○非虛致也

六三德一曰正直二曰剛克三曰柔克平康正直彊弗友剛克爇友柔克

何也。正直者常德也。剛克者剛勝也。柔克者柔勝也。平康正直。彊弗友。剛克。柔克者。所遇之變。殊故。所又之德異也。凡此者。所以治人也。

沈潛剛克。高明柔克。

何也。人之爲德。沈深潛晦者。本于柔。而剛有不足也。故濟之以剛。克所以救其偏。高亢明爽者。本于剛。而柔有不足也。故濟之以柔。克所以救其偏。正直則無所偏。故無所救。凡此者。以治己與人也。

惟辟作福。惟辟作威。惟辟玉食。臣無有作福。作威。玉

食臣之有作福作威玉食其害于而家凶于而國人
用側頗僻民用僭忒

何也作福者柔克之所有也作威者剛克之所有
也惟辟作福作威玉食臣無有作福作威玉食者
正直之所有也以其卒曰臣之有作福作威玉食
則人用側頗僻民用僭忒是以知惟辟作福作威
玉食臣無有作福作威玉食者正直之所有也明
矣箕子之言者皆九疇之所有九疇之所無者箕
子蓋不得而言也知此則知九疇之爲九矣人君

于五事思無所不通○聰明無所不達○言之出納無
所不允○于皇極所遵者正直○所不可入者偏頗反
側○作好作惡○淫朋比德之事○人臣雖有小人之桀
者○未有能蔽其上而作福○作威○作玉食者也○人臣雖
作福○作威○作玉食者○必窺其閒緣○其有可蔽之端○故
雖小人之庸者○猶得以無忌憚而放其邪心也○洪
範以作福○柔克之所有○作威○剛克之所有○惟辟作
福○作威○玉食○正直之所有○臣而作福○則僭君之柔
克○臣而作威○則僭君之剛克○臣而作福○作威○玉食○

則爲側頗辟無所不僭矣。故于三德詳言之。至若
杜其閒使無可蔽之端。雖有邪臣不得萌其僭者。
則在于五事修皇極建而已也。

七稽疑擇建立卜筮人乃命卜筮曰雨曰霽曰蒙曰
驛曰克曰貞曰晦凡七卜五占用二衍忒立時人作
卜筮三人占則從二人之言

何也言選擇知卜筮之人而建立之乃命之以其
職曰雨霽蒙驛克之五兆所以卜所謂五者也曰
貞曰晦之二卦所以筮所謂凡七者也已命之以

其職矣。乃立是人使作筮之事。三人占則從二人之言。卜不同則從多也。

汝則有大疑。謀及乃心。謀及卿士。謀及庶人。謀及卜筮。

何也。謀及乃心。揆諸己也。謀及卿士。謀及庶人。質諸人也。謀及龜筮。參謀鬼神也。舜典曰。朕志先定。詢謀僉同。鬼神其依。龜筮協從。謂此也。

汝則從龜從筮從卿士從庶民從是之謂大同。身其康彊。子孫其逢吉。

何也。從于心而人神之所共與也。故謂之大同。則身其康彊。子孫其逢吉也。

汝則從龜從筮從卿士逆庶民逆吉。卿士從龜從筮從汝則逆庶民逆吉。庶民從龜從筮從汝則逆卿士逆吉。

何也。所從者多則吉可知也。

汝則從龜從筮逆卿士逆庶民逆。作內吉作外凶。龜筮共違于人。用靜吉。用作凶。

何也。心與龜之所從則作內吉而已。龜筮之所共

違則不可以有作矣。凡謀先人者，盡人事也。從逆
先卜筮者，欽鬼神也。吉有三：有卿士逆庶民逆者
矣，有汝則逆庶民逆者矣，有汝則逆卿士逆者矣。
若龜從筮從，則皆不害其爲吉。又至于龜從筮逆，
則可以作內而已。龜筮共違，則皆不可以有作也。
蓋疑故卜筮。卜筮者，吾以謂通諸神明。神明之所
從，則吾必其吉；神明之所違，則吾必其凶。誠之至，
謹之盡也。

八庶徵曰：雨曰暘曰燠曰寒曰風曰時。五者來備，各

以其敘庶草繁廡一極備凶一極無凶曰休徵曰肅
時雨若曰乂時暘若曰哲時燠若曰謀時寒若曰聖
時風若曰咎徵曰狂恒雨若曰僭恒暘若曰豫恒燠
若曰急恒寒若曰蒙恒風若

何也曰雨曰暘曰燠曰寒曰風所謂五者也曰時
則五者之時也五者無不至則所謂五者來備也
無不時所謂各以其序也五者無不至無不時則
至於庶草莫不蕃蕪言陰陽和則萬物莫不茂盛
也五者有所甚則爲沴所謂一極備凶也有所不

至亦爲沴。所謂一極無凶也。于五事。貌足以作肅。則時雨順之。其咎狂。則常雨順之。言足以作乂。則時暘順之。其咎僭。則常暘順之。視足以作哲。則時燠順之。其咎豫。則常燠順之。聽足以作謀。則時寒順之。其咎急。則常寒順之。思足以作聖。則時風順之。其咎蒙。則常風順之。凡言時者。皆休之徵。凡言常者。皆咎之徵也。五事之當否。在于此。而五徵之休咎。應于彼。爲人君者。所以不敢不念。而考己之得失于天也。

曰王省惟歲卿士惟月師尹惟日歲月日時無易百
穀用成又用明俊民用章家用平康日月歲時既易
百穀用不成又用昏不明俊民用微家用不寧

何也此章之所言者皆念用庶徵也休咎之徵各
象其事任其事者王也與王共其任者卿士師尹
也則庶徵之來王與卿士師尹之所當省其所以
致之者所謂念用庶徵也王計一歲之徵而省之
卿士計一月之徵而省之師尹計一日之徵而省
之所省多者其任責重所省少者其任責輕其所

處○之○分○然○也○王○與○卿○士○師○尹○之○所○省○歲○月○日○三○者○
之○時○無○易○言○各○順○其○任○則○百○穀○用○成○又○用○明○俊○民○
用○章○家○用○平○康○王○與○卿○士○師○尹○之○所○省○日○月○歲○三○
者○之○時○既○易○言○各○違○其○任○則○百○穀○用○不○成○又○用○昏○
不○明○俊○民○用○微○家○用○不○寧○也○

庶民惟星星有好風星有好雨日月之行則有冬有
夏月之從星則以風雨
何也言星之所好不同而日月之行則有常度有
常度者不妄從則星不得作其好如民之好不同

而王與卿士師尹之動則有常理。有常理者不妄。
從則民不能作其好。故月行失其道而從星之所。
好則以風雨。猶王政失其常而從民之所好。則以。
非僻。言此者以庶徵之來。王與卿士師尹則能自。
省而民則不能自省者也。民不能自省則王與卿。
士師尹當省民之得失而知己之所以致之者也。
己之所致者民得其性則休徵之所集也。己之所。
致者民失其性則咎徵之所集也。故省民者乃所。
以自省也。其反復如此者所以畏天變盡人事也。

知王與卿士師尹之所省者如此。則知此章之所
言。非念用庶徵。則不言也。不知王與卿士師尹之
所省者如此。則于念用庶徵。無所當。而于言爲贅
矣。是不知九疇之爲九也。

九五福。一曰壽。二曰富。三曰康寧。四曰攸好德。五曰
考終命。六極。一曰凶短折。二曰疾。三曰憂。四曰貧。五
曰惡。六曰弱。

何也。民能保極。則不爲外物戕其生理。故壽。食貨
足。故富。無疾憂。故康寧。於汝極。故攸好德。無不得。

其死者。故考終命。人君之道失。則有不得其死者。
有戕其生理者。故凶短折。不康。故疾。不寧。故憂。食
貨不足。故貧。不能使之于汝。極則剛者。至于暴。故
惡柔者。不能立。故弱。此人君所以考己之得失于
民者也。或曰。福極之言如此。而不及貴賤。何也。曰。
九疇者。皆人君之道也。福極者。人君所以考己之
得失于民。福之在于民。則人君之所當嚮。極之在
于民。則人君之所當畏。福言攸好德。則致民于善。
可知也。極言惡弱。則致民于不善。可知也。視此以

嚮○畏○者○人○君○之○事○也○未○有○攸○好○德○而○非○可○貴○者○也○
未○有○惡○弱○而○非○可○賤○者○也○故○攸○好○德○則○錫○之○福○謂○
貴○之○所○以○勸○天○下○之○人○使○協○于○中○固○已○見○之○皇○極○
矣○于○皇○極○言○之○者○固○所○以○勉○人○于○福○極○不○言○之○者○
攸○好○德○與○惡○弱○之○在○乎○民○則○考○吾○之○得○失○者○盡○矣○
貴○賤○非○考○吾○之○得○失○者○也○人○君○之○于○五○行○始○之○以○
五○事○修○其○性○于○己○次○之○以○八○政○推○其○用○于○人○次○之○
以○五○紀○協○其○時○于○事○次○之○以○皇○極○謹○其○常○以○應○天○
下○之○故○而○率○天○下○之○民○次○之○以○三○德○治○其○中○不○中○

以適天下之變。次之以稽疑。以審其吉凶於人神。
次之以庶徵。以考其得失于天。終之以福極。以考
其得失于民。其始終先後與夫粗精小大之際。可
謂盡矣。自五事至于六極。皆言用。而五行不言用
者。自五事至於六極。皆以順五行。則五行之用。可
知也。虞書于六府。言修。則箕子于五行。言其所化
之。因於人者。是也。虞書于六府。次之以三事。則箕
子于五行。次之以五事。而下是也。虞書于九功。言
戒之用休。董之用威。則箕子于九疇。言庶徵之與。

福極是也則知二帝三王之治天下其道未嘗不
同者萬世之所不能易此九疇之所以爲大法也
歸震川曰昔王荆公會文定公皆有洪範傳其論
精美遠出二劉二孔之上
劉二至曰貫通經典中邊皆見無一非先聖微言
程朱以前此種文字絕少其間表章大學又開程
子之先不似昌黎之少原委矣若盛德之至統爲
性反之成尤爲獨得說用刑一段反覆曲折深得
聖人之心○當合王介甫歸熙甫作參看
愚按公究心經學看得天人性命內聖外王道理
透徹分明故能旁通博考敷演詳析橫說豎說一
以貫之不特補箋疏所未備且爲傳註開宗紹先
聖之微言非先生其孰與歸

第一葉常理所以序原本以作次今從唐本作以第八葉禮義義字原本譌作儀第十四
葉小註惟皇之極之字原本譌作六第二十三葉小註原本兩任責字唐本俱作責任

講官議

孔子之語教人曰不憤悱不啓發舉一隅不以三隅反則不告也孟子之語教人曰有荅問者荀子之語教人曰不問而告謂之傲問一而告二謂之噴傲非也噴非也君子如響故禮無往教而有待問則師之道有問而告之者爾世之挾書而講者終日言而非有問之者也廼不自知其強聒而欲以師自任何其妄也古之教世子之法太傅審父子君臣之道以示之少傅奉世子以觀太傅之德行而審喻之則示之

王遵岩曰
子法制度

數中論其
義言其意
曾王兩公
之學尤深
于歐蘇蓋
與濂洛同
時而與矣

曾文定公集 卷之四
以道者以審喻之爲淺故不爲也。況于師者何爲也。
哉。正己而使觀之者化爾。故得其行者或不得其所。
以行得其言者或不得其所以言也。仰之而彌高。鑽
之而彌堅。德如是。然後師之道盡。故天子不得而召
也。諸侯不得而友也。又況得而臣之乎。此伊尹太公
子思孟子之徒所以忘人之勢。而唐虞三代大有爲
之君所以忘其勢也。世之挾書而講于禁中者。官以
侍爲名。則其任故可知矣。廼自以謂吾師道也。宜坐
而講。以爲請于上。其爲說曰。必如是。然後合于古之

顛日理本
顯白人自
誤解耳然
非先生不
能拈出

所謂坐而論道者也。夫坐而論道謂之三公作而行
之謂之卿大夫。語其任之無爲與有爲非以是爲尊
師之道也。且禮于朝王及羣臣皆立無獨坐者。於燕
皆坐無獨立者。故坐未嘗以爲尊師之禮也。昔晉平
公之於亥唐坐云則坐。曾子之侍仲尼子曰參復坐
則坐云者蓋師之所以命學者。未果有師道也。顧僕
僕然以坐自請者也。則世之爲此者非妄歟。故爲此
議以解其惑。

王遵岩曰此文根據經訓以爲拈擊之地而措詞
嚴健復存委曲是絕好文字

茅鹿門曰嚴緊而峻

愚按前段引經斷義條分縷析以後釋坐論之誤再引朝燕皆坐皆立之禮以證之說得何等明快可補箋疏所不及

唐荆川曰

潔

王氏志堅古文讀編評曰石林燕語云國家經筵講讀官舊皆坐乾興後始立蓋仁宗時年尚幼坐讀不相聞故起立欲其近耳後遂爲故事熙寧初呂申公王荆公爲翰林學士吳冲卿知諫院皆兼侍讀始建議以爲六經言先王之道講者當賜坐因請復行故事下太常禮院詳定韓持國刁景純胡宇夫爲院判是申公等言蘇子容龔鼎臣周孟陽及禮官王汾劉邠韓忠彥以爲講讀官曰侍蓋侍天子非師道也且講讀官一等侍讀仍班侍講上今侍講坐而侍讀立不應爲二申公等議遂格今講讀官初入皆坐賜茶惟當講官起就案立講畢復就坐賜湯而退侍讀亦如之蓋乾興之制也此議當在熙寧初鹿門謂當因伊川爭坐講而發按兩人原不同時

公族議

天子之適子繼世以爲天子其別子皆爲諸侯諸侯之適子繼世以爲諸侯其別子各爲其國之卿大夫皆有采地別子之適子繼世以食其采地其族人百世宗之此之謂大宗其別子亦各仕於其國爲卿大夫其適子兄弟宗之五世而止此之謂小宗蓋天子之適子繼世以爲天子其別子世爲諸侯諸侯之適子繼世以爲諸侯其別子各爲其國之卿大夫世世食采地皆傳於無窮夫豈有服盡而絕其祿位衣食

嫁娶使之自謀者乎。非特如此也。昔周公兼制天下。立七十一國。姬姓居五十三人。蓋兄弟之國者十有五人。姬姓之國者四十人。其可見者。則管蔡郕霍魯衛毛聃郕雍曹滕畢原。鄭郕。晉。應。韓。凡。蔣。邢。茅。胙。祭之屬是也。其稱兄弟之國者十有五人。則周之近屬。其稱姬姓之國者四十人。則周之同姓而已。其爵命之使傳國。至於無窮。夫豈以服爲斷乎。至於宗廟之數。天子七。諸侯五。而祭法虞夏商周禘郊祖宗遠。或至於數十世之上。亦皆未嘗以服爲斷也。其推而

經世之文
議論何等
以暢

上之報本于祖宗至不可爲數推而下之廣骨肉之
恩至于無窮蓋其積厚者其流澤遠有天下之功者
受天下之報其理勢次序固然也是豈以可拘於常見
議於錙銖之內乎故服盡而戚單者所以節人之常
情而爲大宗小宗之數安可以論帝者之功德而爲
廣親親之法乎昔武王克商未及下車而封黃帝唐
虞之後下車而封夏商之後其在異代尚特顯之其
急如此况受重于祖宗推原功德之所自出其可以
天下之大而儉於骨肉之恩以不滿足海內之望乎

孟子曰、仁人之于兄弟也、親愛之而已矣、親之欲其
貴也、愛之欲其富也、先王推是心以及於同姓之間、
故有土分之有民分之有寶玉分之有寶器分之成
王康王之言曰、吾無專享文武之功、是皆無所不盡
其厚、未有從夫略者也、蓋詩裳裳者華、刺時棄賢者
之類、絕功臣之世而傳欒卻胥原狐續慶伯陪臣之
族耳、其降在皂隸、叔向亦以爲晉國之憂、况于帝者
之功德與天地等而可使七八世之子孫夷於閭巷
之凡民乎、後世公族無封國采地之制而有列於朝

有賜於府。是亦親而貴之。愛而富之之意也。其名書於宗籍者。繁衍盛大。實國之家。慶有司。雖費非多於天下之國七十有一。而姬姓獨居者五十三人也。其亦求中以節之而已矣。顧令祖免以外。毋與官衣食嫁娶。使之自謀。是亦不考于古矣。何其野于禮也。以世莫能辨。故作公族議。使好學者得詳焉。

茅鹿門曰。亦合經典。

愚按。禮經不明宗法。紊亂已久。公獨考究精詳。推原帝者功德。廣親親之法。大約宋時舍子傳弟于宗法。既不合而親親之恩。從可知矣。豈亦有爲而言之乎。

唐荆川曰。列辨格。

又曰。不窮。

獨居者五十三人下有也字從文粹

獨於王有以字

慶上有之字並依文編

爲人後議

禮大宗無子則族人以支子爲之後爲之後者爲所
後服斬衰三年而降其父母期禮之所以如此者何
也以謂人之所知者近則知親愛其父母而已所知
者遠則知有嚴父之義知有嚴父之義則知尊祖知
尊祖則知大宗者上以繼祖下以收族不可以絕故
有以支子爲之後者爲之後者以受重于斯人故不
得不以尊服服之以尊服服之而不爲之降已親之
服則猶恐未足以明所後者之重也以尊服服之又

爲之降已親之服○然後以謂可以明所後者之重而

繼祖之道盡此聖人制禮之意也○夫所謂收族者記

某日轉

稱與族人合食序以昭穆○別以禮義之類是特諸侯

別子之大宗而嚴之如此○况如禮所稱天子及其始

祖之所自出者○此天子之大宗是爲天地宗廟百神

祭祀之主○族人萬世之所依歸○而可以不明其至尊

至重哉○故前世人主有以支子繼立而崇其本親加

以號位○立廟奉祀者○皆見非于古今○誠由所知者近

不能割棄私愛○節之以禮○故失所以奉承正統○尊無

劉曰妻字
舊俱誤作
父母二字
今紹儀禮
改正

二上之意也。若于所後者以尊服服之。又爲之降已。
親之服而退于已親號位。不敢以非禮有加也。廟祀
不敢以非禮有奉也。則爲至恩大義固已備矣。而或
謂又當易其父母之名。從所後者爲屬。是未知考于
禮也。禮爲人後者爲所後者之祖父母妻妻之父母。
昆弟昆弟之子若子者。此其服爲所後者而非其爲
已也。爲其父母期爲其昆弟大功爲其姊妹適人者。
小功皆降本服一等者。此其服爲已而非爲所後者。
也使于其父母服則爲已。則名爲所後者則是名與實

此段尤足
折服衆喙

相違服與恩相戾矣。聖人制禮不如是之外也。且自
○此○一○轉○更○明○晰○
古爲人後者不必皆親昆弟之子。族人之同宗者皆
可爲之。則有以大功小功昆弟之子而爲之者矣。有
以總麻袒免無服昆弟之子而爲之者矣。若當從所
後者爲屬。則亦當從所後者爲服。從所後者爲服。則
于其父母有宜爲大功爲小功爲總麻爲袒免爲無
服者矣。而聖人制禮皆爲其父母。期使足以明所後
者重而已。非遂以謂當變其親也。親非變則名固不
得而易矣。戴德王肅喪記曰。爲人後者爲其父母降

王曰凡爲
文援引前
人之議須
要自有機
軸幹旋入
手歸于自
成其言如
曾王之于
文是已

一等服齊衰期其服之節居倚廬言語飲食與父在
爲母同其異者不祥不禫雖除服心喪三年故至於
今著於服令未之有改也豈有制服之重如此而其
名遂可以絕乎又崔凱喪服駁曰本親有自然之恩
降一等則足以明所後者爲重無緣乃絕之矣夫未
嘗以謂可以絕其親而輒謂可以絕其名是亦惑矣
且支子所以後大宗者爲推其嚴父之心以尊祖也
顧以尊祖之故而不父其父豈本其恩之所由生而
先王教天下之意哉又禮適子不可爲人後者以其

傳重也。支子可以爲人後者，以非傳重也。使傳重者，後已宗，非傳重者，後大宗，其意可謂卽乎人心而使之兩義俱安也。今若使爲人後者，以降其父母之服一等而遂變革其名，不以爲父母，則非使之兩義俱安而不卽乎人心，莫大乎如是也。夫人道之于大宗，至尊至重，不可以絕尊尊也；人子之于父母，亦至尊至重，不可以絕親親也。尊尊親親，其義一也。未有可廢其一者，故爲人後者爲之降其父母之服，禮則有之矣，爲之絕其父母之名，則禮未之有也。或以謂欲

絕其名者蓋惡其爲二而欲使之爲一所以使爲人
後者之道盡也夫迹其實則有謂之所後有謂之所
生制其服則有爲已而非爲所後者有爲所後而非
爲已者皆知不可以惡其爲二而強使之爲一也至
於名者蓋生於實也○廼○不○知○其○不○可○以○惡○其○爲○二○而
欲○強○使○之○爲○一○是○亦○過○矣○藉○使○其○名○可○以○強○使○之○爲
一○而○迹○其○實○之○非○一○制○其○服○之○非○一○者○終○不○可○以○易
則○惡○在○乎○欲○絕○其○名○也○故○古○之○聖○人○知○不○可○以○惡○其
爲○二○而○強○使○之○爲○一○而○能○使○其○屬○之○疎○者○相○與○爲○重○

王曰其精
乃經義之
至而于文
又自爲家
也

劉曰王遵
岩謂記禮

之文自不
得不曰爲
其父母是

歲然矣然

親之厚者相與爲輕○則以禮義而已矣○何則○使爲人
後者○於其所後○非已親也○而爲之服○斬衰三年爲其
祭主○是以義引之也○於其所生○實已親也○而降服齊
衰期○不得與其祭○是以禮厭之也○以義引之○則屬之
疎者○相與爲重○以禮厭之○則親之厚者○相與爲輕○而
爲人後之道○盡矣○然則欲爲人後之道○盡者在○以禮
義○明其內而不在於惡其爲二○而強易其名於外也○
正
故禮喪服齊衰不杖期○章曰○爲人後者○爲其父母報
此見于經○爲人後者○于其本親○稱父母之明文也○漢

宋嘗有伯
叔父母之
稱安可謂
之強說

蔡義以謂宣帝親諡宜曰悼魏相以謂宜稱尊號曰
皇考立廟後世議者皆以其稱皇立廟爲非至于稱
親稱考則未嘗有以爲非者也其後魏明帝尤惡爲
人後者厚其本親故非漢宣加悼考以皇號又謂後
嗣有由諸侯入繼正統者皆不得謂考爲皇稱妣爲
后蓋亦但禁其猥加非正之號而未嘗廢其考妣之
稱此見于前世議論爲人後者於其本親稱考妣之
明文也又晉王坦之喪服議曰罔極之重非制教之
所裁昔日之名非一朝之所去此出後之身所以有

服本親也。又曰：情不可奪，名不可廢，崇本叙恩，所以爲降。則知爲人後者，未有去其所出父母之名。此古今之常理。故坦之引以爲制服之證，此又見于前世議論爲人後者于其本親稱父母之明文也。是則爲人後者之親見于經，見于前世議論，謂之父母，謂之考妣者，其大義如此。明文如此，至見于他書及史官之記，亦謂之父母，謂之考妣，謂之私考妣，謂之本親，謂之親者，則不可一二數，而以爲世父、叔父者，則不特禮未之有，載藉以來固未之有也。今欲使從所後

者爲屬而變革其父母之名此非常異議也不從經
文與前世數千載之議論亦非常異議也而無所考
據以持其說將何以示天下乎且中國之所以爲貴
者以有父子之道又有六經與前世數千載之議論
以治之故也今忽欲棄之而伸其無所考據之說豈
非誤哉或謂爲人後者于其本親稱父母則爲兩統
二父其可乎夫兩統二父者謂加考以皇號立廟奉
祀是不一於正統懷二於所後所以著其非而非謂
不變革其父母之名也然則加考以皇號與禮及古

此段分晰
最明王道
岩乃謂皇
考通稱之
文者不必
入辨何也

之稱皇考者有異乎曰皇考一名而爲說有三禮曰

考廟曰王考廟曰皇考廟曰顯考廟曰祖考廟是則

唐本無則字

以皇考爲曾祖之廟號也魏相謂漢宣帝父宜稱尊

號曰皇考既非禮之曾祖之稱又有尊號之文故魏

明帝非其加悼考以皇號至于光武亦于南頓君稱

皇考廟義出於此是以又加皇號爲事考之尊稱也屈

原稱朕皇考曰伯庸又晉司馬機爲燕王告禰廟文

稱敢昭告于皇考清惠亭侯是又達於羣下以皇考

爲父沒之通稱也以爲曾祖之廟號者於古用之以

爲事考之尊稱者於漢用之以爲父沒之通稱者至
今用之然則稱之亦有可有不可者乎曰以加皇號
爲事考之尊稱者施于爲人後之義是于正統此求
之于禮而不可者也達于羣下以皇考爲父沒之通
稱者施于爲人後之義非于正統此求之于禮而可
者也然則以爲父沒之通稱者其不可如何曰若漢
哀帝之親稱尊號曰恭皇安帝之親稱尊號曰孝德
皇是又求之于禮而不可者也且禮父爲士子爲天
子祭以天子其尸服以士服子無爵父之義尊父母

也。前世失禮之君。崇本親以位號者。豈獨失爲人後。奉祀正統尊無二上之意哉。是以子爵父以卑命尊。亦非所以尊厚其親也。前世崇飾非正之號者。其失如此。而後世又謂宜如期親故事。增官廣國者。亦可謂皆不合于禮矣。夫考者父沒之稱。然施于禮者。有朝廷典冊之文。有宗廟祝祭之辭而已。若不加位號。則無典冊之文。不立廟奉祀。則無祝祭之辭。則雖正其名。豈有施於事者。願言之不可不順而已。此前世未嘗以爲可疑者。以禮甚明也。今世議者紛紛。至於

曠日累時不知所決者蓋由不考于禮而率其私見也故采于經列其旨意庶得以商榷焉

茅鹿門曰引據最嚴密蓋以濮園之後故有此議愚按援經據典發出繼祖收族二義爲後大旨瞭然又引後代議禮明文而折衷其至當參以議禮之失詳加辨晰非出經入史熟于典故安能有此議論

劉二至曰自出機杼絕不借資扮澤然引經證史俱極有根據以斯知貴獨標位置也又貴貫穿衆家方爲至文○當時濮議歐公亦主此說後歐公有未見此文之歎揆理度情實爲確論議禮家皆當讓一頭地○宋元紀事本末于濮議錄歐公爲後或問上下篇及公此議而不及其它亦知其持論之正矣

唐荆川曰辨晰
續編云此議成南豐以示歐陽公公答書曰辱示

爲人後議筆力雄贍固不待稱贊而引經據古明白詳盡雖使聾盲者得之可以釋然矣父子三綱人道之大學者久廢而不講縉紳士大夫安于習見閭閻里巷過房養子乞丐異姓之類遂欲諱其父母方羣口誼譁之際雖有正論人不暇聽非著之文章以要于久遠調難以口舌一日爭也斯文所期者遠而所補者大固不當以示常人某亦有一二論述未能若斯文之曲盡然亦非有識之士未嘗出也

原本名則爲所後無則字則是名與實作是則制服制字作製故爲人後人下有之字爲之降爲下無之字蔡義漢宣帝時人蔡謠祭古今之常理今謠人第二變革字作革變是又以加皇號脫又字
擢原謠作確以上謠脫茅本與原本同並依唐荆川文編增改爲其父母報係引儀禮唐茅本皆同原本報字謠作服

救災議

河北地震水災隳城郭壞廬舍百姓暴露乏食主上
憂憫下緩刑之令遣拊循之使恩甚厚也然百姓患
於暴露非錢不可以立屋廬患於乏食非粟不可以
飽二者不易之理也非得此二者雖主上憂勞于上
使者旁午於下無以救其患塞其求也有司建言請
發倉廩與之粟壯者人日二升幼者人日一升主上
不旋日而許之賜之可謂大矣然有司之所言特常
行之法非審計終始見於衆人之所未見也今河北

地震水災所毀敗者甚衆。可謂非常之變也。遭非常之變者。亦必有非常之恩。然後可以振之。今百姓暴露乏食。已廢其業矣。使之相率日待二升之廩于上。則其勢必不暇乎他爲。是農不復得修其畝。商不復得治其貨。賄工不復得利。其器用閒。民不復得轉移執事。一切棄百事而專意於待升合之食。以偷爲性命之計。是直以餓殍之養養之而已。非深思遠慮爲百姓長計也。以中戶計之。戶爲十人。壯者六人。月當受粟三石六斗。幼者四人。月當受粟一石二斗。率

一戶月當受粟五石。難可以久行也。則百姓何以贍

其後。久行之。則被水之地。既無秋成之望。非至來歲

麥熟。賑之未可以罷。自今至於來歲。麥熟。凡十月一

戶當受粟五十石。今被災者十餘州。州以二萬戶

計之。中戶以上。及非災害所被。不仰食縣官者。去其

半。則仰食縣官者。爲十萬戶。食之不遍。則爲施不均。

而民猶有無告者也。食之徧。則當用粟五百萬石。而

後可字從呂本。原作足何。楊希洛云疑作卒何。

後可以辦此。又非深思遠慮。爲公家長計也。至於給

授之際。有淹速。有均否。有真僞。有會集之擾。有辨察

王遵岩曰
不但文字
好于事情
亦深切漢
文亦不過
如此

之煩。厝置一差。皆足致弊。又羣而處之。氣久蒸薄。必
生疾癘。此皆必至之害也。且此不過能使之得旦暮
之食耳。其於屋廬構築之費。將安取哉。屋廬構築之
費。旣無所取。而就食於州縣。必相率而去。其故居雖
有頽牆壞屋之尚可完者。故材舊瓦之尚可因者。什
器衆物之尚可賴者。必棄之而不暇顧。甚則殺牛馬
而去者。有之。伐桑棗而去者。有之。其害又可謂甚也。
今秋氣已半。霜露方始。而民露處。不知所蔽。蓋流亡
者亦已衆矣。如是不可止。則將空近塞之地。空近塞

之地。失戰鬪之民。此衆士大夫之所慮。而不可謂無
患者也。空近塞之地。失耕桑之民。此衆士大夫所未
慮。而患之尤甚者也。何則。失戰鬪之民。異時有警。邊
戍不可以不增。爾失耕桑之民。異時無事。邊糴不可
以不貴矣。二者皆可不深念歟。萬一或出於無聊之
計。有窺倉庫盜一囊之粟。一束之帛者。彼知已負有
司之禁。則必鳥駭鼠竄。竄竊弄鋤。挺於草茅之中。以扞
游徼之吏。强者旣囂而動。則弱者必隨而聚矣。不幸
或連一二城之地。有枹鼓之警。國家胡能晏然而已。

○茅日又深指利害之極

乎○况○夫○外○有○夷○狄○之○可○慮○內○有○郊○祀○之○將○行○安○得○不○
防○之○於○未○然○銷○之○於○未○萌○也○然○則○爲○今○之○策○下○方○紙○
之○詔○賜○之○以○錢○五○十○萬○貫○貸○之○以○粟○一○百○萬○石○而○事○
足○矣○何○則○今○被○災○之○州○爲○十○萬○戶○如○一○戶○得○粟○十○石○
得○錢○五○千○下○戶○常○產○之○貲○平○日○未○有○及○此○者○也○彼○得○
錢○以○完○其○居○得○粟○以○給○其○食○則○農○得○修○其○畝○畝○商○得○
治○其○貨○賄○工○得○利○其○器○用○閒○民○得○轉○移○執○事○一○切○得○
復○其○業○而○不○失○其○常○生○之○計○與○專○意○以○待○二○升○之○廩○
于○上○而○勢○不○暇○乎○他○爲○豈○不○遠○哉○此○可○謂○深○思○遠○慮○

爲○百○姓○長○計○者○也○由○有○司○之○說○則○用○十○月○之○費○爲○粟○
五○百○萬○石○由○今○之○說○則○用○兩○月○之○費○爲○粟○一○百○萬○石○
况○貸○之○於○今○而○收○之○於○後○足○以○振○其○艱○乏○而○終○無○損○
于○儲○待○之○實○所○實○費○者○錢○五○鉅○萬○貫○而○已○此○可○謂○深○
思○遠○慮○爲○公○家○長○計○者○也○又○無○給○授○之○弊○疾○癘○之○憂○
民○不○必○去○其○故○居○苟○有○頽○牆○壞○屋○之○尚○可○完○者○故○材○
舊○瓦○之○尚○可○因○者○什○器○衆○物○之○尚○可○賴○者○皆○得○而○不○
失○况○于○全○牛○馬○保○桑○棗○其○利○又○可○謂○甚○也○雖○寒○氣○方○
始○而○無○暴○露○之○患○民○安○居○足○食○則○有○樂○生○自○重○之○心○

各復其業。則勢不暇乎他爲。雖驅之不去。誘之不爲。

盜矣。夫饑歲聚餓殍之民而與之升合之食。無益於

救災補敗之數。此常行之弊法也。今破去常行之弊

法。以錢與粟。一舉而賑之。足以救其患。復其業。河北

之民聞詔令之出。必皆喜上之足賴。而自安於畝畝

之中。負錢與粟而歸。與其父母妻子脫於流亡轉死

之禍。則戴上之施而懷欲報之心。豈有已哉。天下之

民聞國家厝置如此恩澤之厚。其孰不震動感激悅

主上之義於無窮乎。如是而人和不可致。天意不可

○劉○曰○大○學○問○大○經○濟○說○得○痛○快○淋○漓○

悅者未之有也。人和洽於下。天意悅于上。天意悅于上。然後玉輅徐動。就陽而郊。荒夷殊陬。奉幣來享。疆內安輯。里無囂聲。豈不適變於可爲之時。消患於無形之內乎。此所謂審計終始。見於衆人之所未見也。不早出此。或至於一有枹鼓之警。則雖欲爲之。將不及矣。或謂方今錢粟恐不足以辦此。夫王者之富藏之於民。有餘則取。不足則與。此理之不易者也。故曰。百姓足。君孰與不足。百姓不足。君孰與足。蓋百姓富實而國獨貧。與百姓餓殍而上獨能保其富者。自古

及○今○未○之○有○也○故○又○曰○不○患○貧○而○患○不○安○此○古○今○之○
至○戒○也○是○故○古○者○二○十○七○年○耕○有○九○年○之○畜○足○以○備○

水○旱○之○災○然○後○謂○之○王○政○之○成○唐○水○湯○旱○而○民○無○捐○

瘠○者○以○是○故○也○今○國○家○倉○庫○之○積○固○不○獨○爲○公○家○之○

費○而○已○凡○以○爲○民○也○雖○倉○無○餘○粟○庫○無○餘○財○至○於○救○
○古○今○謀○國○者○當○三○復○斯○語○

災○補○敗○尙○不○可○以○已○况○今○倉○庫○之○積○尙○可○以○用○獨○安○
○鍾○

可○以○過○憂○將○來○之○不○足○而○立○視○夫○民○之○死○乎○古○人○有○
○曰○過○慮○將○來○而○先○安○受○目○前○之○慘○禍○者○古○今○何○限○

言○曰○剪○爪○宜○及○膚○割○髮○宜○及○體○先○王○之○於○救○災○髮○膚○

尙○無○所○愛○况○外○物○乎○且○今○河○北○州○軍○凡○三○十○七○災○害○

所被十餘州軍而已。他州之田秋稼足望。令有司於
糴米常價。斗增一二十錢。非獨足以利農。其於增糴
一百萬石易矣。斗增一二十錢。吾權一時之事。有以
爲之耳。以實錢給其常價。以茶薺香藥之類。佐其虛
估。不過捐茶薺香藥之類。爲錢數鉅萬貫。而其費已
足。茶薺香藥之類。與百姓之命。孰爲可惜。不待議而
可知者也。夫費錢五鉅萬貫。又捐茶薺香藥之類。爲
錢數鉅萬貫。而足以救一時之患。爲天下之計。利害
輕重。又非難明者也。顧吾之有司。能越拘攣之見。破

○又總結

常行之法與否而已。此時事之急也。故述斯議焉。

唐荆川曰前後整齊照應。茅鹿門曰子固大議其剖析利害處最分明。鍾伯敬曰坐給升合之食是惠而不知爲政。賜錢貸粟使人人復其故業。可謂深思遠慮爲公家百姓長計者矣。

劉二至曰經濟巨手於此議見之。○越州趙公救災記救災之法可以倣行者救災議則救非常之災議論尤爲闊大。一議一記並堪不朽。○議論一層進一層無衍字無複句其複說處愈見精神前段說害如長江大河滔滔莽莽後段說利如激湍飛瀑聳動心目不覺其複矣。真天下奇觀末以義利之辨作結大儒之言不同管商。

愚按此議膾炙人口古今選錄最多然舛錯不一公文佳處每于疊句耐人尋繹此篇疊句凡三見而類稿新舊本俱脫落如不久行三字荆川文編載之他本不載空近塞之地文鑑文編文粹文鈔並載之又天意悅于上文編文粹俱有疊句而文鑑文鈔亦不載前段出于無俚文鈔俚作聊後段諸本作上獨能保其富類稿上作國諸本作古人有言文鈔類稿俱無有字斗增一二十錢諸本俱同而文編作斗增三十錢費錢五鉅萬下諸本皆有貫字文編無之集中脫訛往往如此可見古人文字之難校讀也。

唐論

成○康○沒○而○民○生○不○見○先○王○之○治○日○入○於○亂○以○至○於○秦○
盡○除○前○聖○數○千○載○之○法○天○下○既○攻○秦○而○亡○之○以○歸○於○
漢○漢○之○爲○漢○更○二○十○四○君○東○西○再○有○天○下○垂○四○百○年○
然○大○抵○多○用○秦○法○其○更○改○秦○事○亦○多○附○已○意○非○放○先○
王○之○法○而○有○天○下○之○志○也○有○天○下○之○志○者○文○帝○而○已○
然○而○天○下○之○材○不○足○故○仁○聞○雖○美○矣○而○當○世○之○法○度○
亦○不○能○放○于○三○代○漢○之○亡○而○疆○者○遂○分○天○下○之○地○晉○
與○隋○雖○能○合○天○下○於○一○然○而○合○之○未○久○而○已○亡○其○爲○

不足議也。代隋者唐。更十八君。垂三百年。而其治莫盛于太宗之爲君也。詘己從諫。仁心愛人。可謂有天下之志。以租庸任民。以府衛任兵。以職事任官。以材能任職。以興義任俗。以尊本任衆。賦役有定制。兵農有定業。官無虛名。職無廢事。人習于善行。離于末作。使之操于上者。要而不煩。取于下者。寡而易供。民有農之實。而兵之備存。有兵之名。而農之利在。事之分有歸。而祿之出不浮。材之品不遺。而治之體相承。其廉恥日以篤。其田野日以闢。以其法修。則安且治。廢

劉曰三代
以下皆以
此爲迂所
以不得見
唐虞三代
之治

則危且亂。可謂有天下之材。行之數歲。粟米之賤。斗
至數錢。居者有餘蓄。行者有餘資。人人自厚。幾致刑
措。可謂有治天下之效。夫有天下之志。有天下之材。
又有治天下之效。然而不得與先王並者。法度之行。
擬之先王未備也。禮樂之具。田疇之制。庠序之教。擬
之先王未備也。躬親行陣之間。戰必勝。攻必克。天下
莫不以爲武。而非先王之所尚也。四夷萬國。古所未
及。以政者。莫不服從。天下莫不以爲盛。而非先王之
所務也。太宗之爲政于天下者。得失如此。由唐虞之

治五百餘年而有湯之治由湯之治五百餘年而有
文武之治由文武之治千有餘年而始有太宗之爲
君有天下之志有天下之材又有治天下之效然而
又以其未備也不得與先王竝而稱極治之時是則
人生于文武之前者率五百餘年而一遇治世生于
文武之後者千有餘年而未遇極治之時也非獨民
之生於是時者之不幸也士之生于文武之前者如
舜禹之于唐八元八愷之于舜伊尹之于湯太公之
于文武率五百餘年而一遇生于文武之後千有餘
者

年○雖○孔○子○之○聖○孟○軻○之○賢○而○不○遇○雖○太○宗○之○爲○君○而○
未○可○以○必○得○志○于○其○時○也○是○亦○士○民○之○生○於○是○時○者○
之○不○幸○也○故○述○其○是○非○得○失○之○迹○非○獨○爲○人○君○者○可○
以○考○焉○士○之○有○志○于○道○而○欲○仕○于○上○者○可○以○鑒○矣○

劉二至曰論有唐一代之事而上下數千年無不
了了筆下堪與史漢並驅若識力則超軼前後矣
○因君而及民因民而及士讀至末幅覺煙波浩
渺一望無際○說先王之治真正是王道而非霸
術此等識見非佗家所知此等筆力非佗家所及
宜乎茅鹿門以爲文格似弱也
愚按先論唐以前事見先王治法廢壞已久后入
太宗歷叙其治之盛而歎其不能復古于願治之
中更有世道盛衰之感是置身三代以上方見得
如此親切

唐荆川曰逐段連貫說下

宋文鑑太宗下多太宗二字作另提一句有兵之名上多兵字對上民字萬里作萬國文武之後下有者字原各本並脫訛應從文鑑孟子各本並作孟軻前後兩又有治天下之效上唐本並多而字

有者字原各本並脫訛應從文鑑孟子各本並作孟軻前後兩又有治天下之效上唐本並多而字

孫曰冒起

正意後多

作辨難法

此句一篇

骨子

入事作虛

案

斷一句

其書魏鄭公傳後而其事至哉
予觀太宗常屈己以從羣臣之議而魏鄭公之徒喜
遭其時感知己之遇事之大小無不諫諍雖其忠誠
自至亦得君以然也則思唐之所以治太宗之所以
稱賢主而前世之君不及者其淵源皆出於此也能
知其有此者以其書存也及觀鄭公以諫諍事付史
官而太宗怒之薄其恩禮失終始之義則未嘗不反
覆嗟惜恨其不思而益知鄭公之賢焉夫君之使臣
與臣之事君者何大公至正之道而已矣大公至正

一段言諫
諍不可少

筆意層折

一段言古
賢相俱善
諫

曾文定公集 卷之四
之道○非○滅○人○言○以○掩○己○過○取○小○亮○以○私○其○君○此○其○不○
可○者○也○又○有○甚○不○可○者○夫○以○諫○諍○爲○當○掩○是○以○諫○諍○
爲○非○美○也○則○後○世○誰○復○當○諫○諍○乎○况○前○代○之○君○有○納○
諫○之○美○而○後○世○不○見○則○非○惟○失○一○時○之○公○又○將○使○後○
世○之○君○謂○前○代○無○諫○諍○之○事○是○啓○其○怠○且○忌○矣○太○宗○
末○年○羣○下○既○知○此○意○而○不○言○漸○不○知○天○下○之○得○失○至○
於○遼○東○之○敗○而○始○恨○鄭○公○不○在○世○未○常○知○其○悔○之○萌○
芽○出○於○此○也○夫○伊○尹○周○公○何○如○人○也○伊○尹○周○公○之○諫○
切○其○君○者○其○言○至○深○而○其○事○至○迫○存○之○於○書○未○常○掩○

劉曰論世特識

一段言古

暴君不用

諫

正色危言

聆之悚然

設一難

又設一難

焉○至○於○稱○太○甲○成○王○爲○賢○君○而○伊○尹○周○公○爲○良○相○者○
 以○其○書○可○見○也○令○當○時○削○而○棄○之○成○區○區○之○小○讓○則○
 後○世○何○所○據○依○而○諫○又○何○以○知○其○賢○且○良○與○桀○紂○幽○
 厲○始○皇○之○亡○則○其○臣○之○諫○詞○無○見○焉○非○其○史○之○遺○乃○
 天○下○不○敢○言○而○然○也○則○諫○諍○之○無○傳○乃○此○數○君○之○所○
 以○益○暴○其○惡○於○後○世○而○已○矣○或○曰○春○秋○之○法○爲○尊○親○
 賢○者○諱○與○此○戾○矣○夫○春○秋○之○所○以○諱○者○惡○也○納○諫○諍○
 豈○惡○乎○然○則○焚○橐○者○非○歟○曰○焚○橐○者○誰○歟○非○伊○尹○周○
 公○爲○之○也○近○世○取○區○區○之○小○亮○者○爲○之○耳○其○事○又○未○

子固本旨在此

茅曰以下三轉極精

又設一難

皆隨難隨

解見古良

臣俱有諫

諍

以咏歎作

結其推許

鄭公處使

讀者穆然

深思

是也何則以焚其橐爲掩君之過而使後世傳之則是使後世不見橐之是非而必其過常在於君美常在於己也豈愛其君之謂歟孔光之去其橐之所言其在正衰未可知也而焚之而惑後世庸詎知非謀己之奸計乎或曰造辟而言詭辭而出異乎此曰此非聖人之所曾言也令萬一有是理亦謂君臣之間議論之際不欲漏其言於一時之人耳豈杜其告萬世也噫以誠信持己而事其君而不欺乎萬世者鄭公也益知其賢云豈非然哉豈非然哉

此轉尤痛快

茅鹿門曰借魏鄭公以諷世之焚橐者之非而議論甚圓暢可誦

錢牧齋題歸大僕文集曰熙甫上公車後生弟子執書夾侍偶拈此文挾冊朗誦至五十餘過聽者欠伸欲卧熙甫沈吟諷咏猶有餘味嘉定徐宗伯每嘆先輩好學深思不可幾及如此
孫執升曰臣能進諫君能納諫此盛德事也鄭公幸遇文皇得盡所欲言君臣道合千古僅覩子固欲因唐事摩切後世君臣故以諫諍不當掩立說前幅將太宗之怒及其後之悔寫出無限煙波意似專美鄭公但進諫納諫實相因而見再引太甲成王伊周爲勸引桀紂幽厲始皇爲戒借證分明題無餘義而或曰以下又作數層披剝引經斷義洗發盡情韓柳駁義有此筆法子固直與顏頤劉二至曰杜詩云避人焚諫草其來舊矣宋趙安仁有所獻納退必焚橐皆以爲美談蓋焚橐者焚其橐之存于已耳非焚史官之所掌也此處兩不相礙

鍾伯敬曰忠誠自至恐鄭公不敢當得君而然似之矣

孫月峯曰文機動盪如走盤之珠

瀆編云韓魏公嘗爲諫官所存諫藁三卷自序云欲歛而存之以效古人慎密之義然恐無以見人主从諫之美司馬溫公出知邊州嘗三上書言事皆不納時范景仁爲諫官公以藁付之貽書謂古之人有奏疏而焚稿者蓋謂言已施行不可掠君之美若奏而不通又自焚其稿則與不言何異按二公論不同如魏公言則溫公爲彰君之過如溫公言則魏公爲掠君之美蓋二公皆因古人有焚諫草者又不忍自焚其草故委曲分疏不自覺反墮一偏不如曾公此論爲明白正大而無弊也

讀賈誼傳

余讀三代兩漢之書○至於奇辭奧旨○光輝淵澄洞達○
心腑如登高山以望長江之活流○而恍然駭其氣之
壯也○故詭辭誘之而不能動○淫辭迫之而不能顧○考
是與非○若別白黑而不能惑○浩浩洋洋○波微際涯○雖
千萬世之遠○而若會於吾心○蓋自喜其資之者深而
得之者多也○旣而遇事輒發○足以自壯其氣○覺其辭
源源來而不雜○剔吾粗以迎其真○植吾本以質其華○
其高足以凌青雲○抗太虛而不入詭誕○其下足以盡

山川草木之理形狀變化之情而不入於卑汙及其
事多而憂深慮遠之激托有觸於吾心而干於吾氣
故其言多而出於無聊讀之有憂愁不忍之態然其
氣要爲無傷也於是又自喜其無入而不宜矣使予
位之朝廷視天子所以措置指畫號令天下之意作
之訓辭鏤之金石以傳太平無窮之業蓋未必不有
可觀者遇其所感寓其所志則自以爲皆無傷也余
悲賈生之不遇觀其爲文經畫天下之便宜足以見
其康天下之心觀其過湘爲賦以弔屈原足以見其

憫○時○憂○國○而○有○觸○于○其○氣○後○之○人○責○其○一○不○遇○而○爲○
是○憂○怨○之○言○乃○不○知○古○詩○之○作○皆○古○窮○人○之○辭○要○之○
不○悖○於○道○義○者○皆○可○取○也○賈○生○少○年○多○才○見○文○帝○極○
陳○天○下○之○事○毅○然○無○所○阿○避○而○絳○灌○之○武○夫○相○遭○于○
朝○譬○之○投○規○于○矩○雖○彊○之○不○合○故○斥○去○不○得○與○聞○朝○
廷○之○事○以○奮○其○中○之○所○欲○言○彼○其○不○發○於○一○時○猶○可○
託○文○以○攄○其○蘊○則○夫○賈○生○之○志○其○亦○可○罪○耶○故○予○之○
窮○餓○足○以○知○人○之○窮○者○亦○必○若○此○又○嘗○學○文○章○而○知○
窮○人○之○辭○自○古○皆○然○是○以○於○賈○生○少○進○焉○嗚○呼○使○賈○

生○卒○其○所○施○爲○其○功○業○宜○有○可○述○者○又○豈○空○言○以○道○
之○哉○予○之○所○以○自○悲○者○亦○若○此○然○世○之○知○者○其○誰○歟○
雖○不○吾○知○誰○患○耶○

愚○按○此○雖○借○題○發○揮○然○公○經○濟○文○章○實○足○並○驅○爭○
先○非○夸○語○也○

國體辨

或曰事之弊作而更之歟安而弗顧歟曰作而更之也人之不善按而誅之歟安而弗顧歟曰按而誅之也然而作而更弊世以爲紛紛也按而誅不善世以爲刻訐也何謂歟曰有以也事之體有小大罪之情有深淺彼以繫者大而罪也深任忠義者之視之也則皦然反之蹇然辨之作而更之按而誅之恐未果也何則爲國家天下之計然也人見忠義者之然也不識其心而希之也曰事皆然也我顧不能然歟當

其坐於府立於庭而議之於四方使彼其繫者小而
罪也淺而皦然反之蹇然辨之作而更之按而誅之
恐不果也甚者構而侈之也爲國家天下之計乎則
未然也於是謹然厭其紛紛也病其刻訐也豈惟厭
且病歟當世誠有任忠義者爲其所當然則上必惡
彼紛紛者之所行刻訐之所存皆讓焉誠有任忠義
者爲其所當然則不之見信幸而信則姦與庸者得
扳厭且病之事而閔之矣嗟夫事有似之而不然者
此是非之所以亂虛實之所以昧不可惡也歟惡則

如何亦察焉其請而更者利害也大繫國家天下也
循之有理也則固忠義者之事其請而誅者姦佞也
大繫於國家天下也循之有理也則固忠義之事也
反是也則末矣然則弊之細也惡之淺也安而弗顧
歟曰考其弊而更之得其大者焉審其罪而誅之當
其深者焉則細且淺者熄焉觀細者之可憂抑其不
熄則徐徐而治可也豈安而弗顧也歟或曰彼雖紛
紛也刻訐也然其於事也情歟曰或情不情焉雜也
然則凡彼之所美也有讓而不情情而不以其地則

罪始讓者歟。否則彼之紛紛也。刻訐也。或情或不情。時也。罪忠義亦可歟。

愚按治固有體。如唐置府兵。宋裁藩鎮。舜之誅四
凶。周公誅管蔡。乃所謂大繫國家天下者。故利不
十百。不變法。罪不衆著。不擅刑。否則更張誅罰之
不當。無以厭服乎人心。而國體愈輕。褻矣。熙寧變
法而濫刑隨之。公豈有爲而言之乎。此篇亦類藁
所缺。由唐選文編蒐入。

邪正辨

正者一邪者一烏知正者之爲正邪者之爲邪歟曰
攷其實焉爾言者曰某正人也必攷焉其言與行果
正也猶曰無乃其迹然歟必也本其情情果正也斯
正人也曰某邪人也必攷焉其言與行果邪也亦曰
無乃其迹然歟必也本其情情果邪也斯邪人也必
本其情者爲迹之未可以必信也迹之未可以信者
有無之有似之有構之者也以正人焉俟之勿疑之
也○有○閒○之○必○辨○焉○不○陰○受○之○也○以○邪○人○焉○處○之○勿○逼○

之○也○有○助○之○必○辨○焉○不○陰○受○之○也○審○邪○正○之○術○循○是○
也○不○失○矣○抑○未○盡○於○是○也○孰○謂○未○盡○任○與○責○之○之○謂○
也○正○者○曰○天○下○未○治○也○以○天○下○之○事○攷○之○見○未○治○焉○
安○得○不○任○之○以○救○其○未○治○也○邪○者○曰○已○治○矣○則○思○曰○
我○之○天○下○未○治○也○正○者○曰○用○是○策○可○以○治○以○先○王○之○
道○人○之○情○攷○之○見○可○以○治○焉○安○得○不○用○其○策○邪○邪○者○
曰○彼○策○也○不○可○用○則○思○曰○我○攷○之○可○用○也○必○也○待○其○
終○而○治○其○效○不○戾○於○其○始○也○有○賞○戾○則○有○咎○未○至○於○
其○終○而○質○其○效○賞○與○咎○無○所○委○焉○不○苟○然○而○易○也○任○

與責之之術如是也。故正者得盡其道。邪者不得其
間。於冥冥之間。於計也。素定於信用也。不輕以蔽於
號令也。一於賞罰也。明於治也。幾矣。攷之其實。爾此
之謂也。不知正者之爲正。邪者之爲邪。豈異焉。不此
之尚而已。言者曰。某正人也。某邪人也。因亦曰。某正
人也。某邪人也。於其言與行。則未之攷也。苟攷焉。則
亦其迹而已矣。或無之。或似與構之者也。於其情。則
未之攷也。以正人俟之。或疑焉。有聞之者。則陰受之。
不之辨也。以邪人處之。或邇焉。有助之者。則陰受之。

不之辯也。正者曰：天下未治也。邪者曰：已治也。邪者
勝正者，十常八九。以天下之事攷之，耶則未嘗也。任
正者之策，邪者曰：可置，則必置之。以先王之道人之
情攷之，待其終而質其效，正者賞與咎，邪則未嘗也。
其於是非，用捨苟焉而已也。夫然，故正者不得盡其
道，邪者得閒之於冥冥之間，於計無必定也。於信用
輕以蔽也。於號令也，二於賞罰也，不明於治也，疏矣。
正與邪兩尊焉。一日而有敗，烏有職其責者歟？或曰：
大賢大佞之不可以攷其實也。曰：子之言不可以攷。

其實者不以大賢之爲賢、大佞之爲佞、或無其迹、歟、
吾固言之也、無其迹則孰由而知之歟、必也本其情
之謂也、本其情是以攷其實矣、豈不可歟、知不循其
迹、又不本其情而欲知其賢與佞、顧非不可歟、然則
子之言者、惡其迹之難知也、吾云爾者、以其情而知
之也、其意口者解

闕文

愚按人品難知、循其迹又必本其情、質其效、攷其實、自是辨別邪正本領

說勢

周之初天下列爲諸侯而居者以千數力小易使也
執○便○易○治○也○此○所○以○不○惟○承○號○令○奉○職○貢○而○已○固○實○
有○以○翼○戴○天○子○也○及○其○衰○也○大○國○兼○數○千○里○而○王○令○
之○不○能○誅○之○不○能○加○之○并○爲○六○國○合○爲○秦○而○周○亡○矣○
非○封○建○罪○也○地○過○王○制○也○漢○興○襲○其○衰○制○等○亦○大○亂○
秦○人○壞○列○國○而○郡○縣○之○其○執○誠○小○而○易○使○也○尺○兵○不○
得○制○斗○粟○不○得○專○祇○徒○置○守○宰○若○奕○碁○然○爾○執○甚○便○
而○治○豈○得○行○也○上○之○與○吏○吏○之○與○民○不○異○於○燕○趙○之○

相觀一有變則翻而從寇爾而能有以翼天子乎故
一夫唱叛而秦滅矣非郡縣罪也守宰亡具甚耳今
病封建者必曰用秦法病郡縣者必曰用周制皆不
得其理也且從而更其事以爲天下可得更乎否也
天下之存亡○眊其大倫○大法之治亂○爾其次惟其所
制○制之使力小而易使○執便而易治○皆善也○地過王
制○執奪於下○皆害也○借使韓魏燕趙○列爲百里之國
而侯○雖至今存可也○秦之郡縣○執足以自治○力足以
自衛○雖以萬世無患可也○天下之執○豈不誠易知哉○

後世矯前之敝法。寢藩鎮權。功成求遂矣。然而尚未
反守宰之分職。伸州縣之幹翼。其計之未善也。萬一
水旱疾疫。其或有覲倖之人出者。州縣其胡以備之。
徐樂山濤之論。可不念耶。誠念之不難。擇人而任之。
分執而使之如斯而已矣。

愚按封建郡縣。古今因革大端。前賢之論詳矣。衆
建而少其力。乃不易之制。宋罷藩鎮而勢趨于弱。
故公論及之。末段論守宰勢力不足。自治自衛不
免遭變。無備卽元明季世之事。已預籌之矣。

說用

物有根而殖柯葉而茂芽若穗而實翼而天飛足而
陸走喙而鳴息而食嚙者其形類多矣非有主于虛
空以蕃而息之者歟吾觀其用亦密矣彼使之水而
濡火而焚雷而動風霆而鳴雪霜而悴雨露而滋碩
則世得而知之矣若其裁之爲形散之爲聲充之爲
氣始終之爲死生則非水也火也雷也風霆也雪霜
也雨露也所能使爲之也世固不可測其所以爲也
然而萬物相得以生是則其用非密耶今夫羣而居

縫而衣。燧而食。築土石。構竹木。而廬者。其嗜慾衆矣。非有制而一之者。則其爭滋不息。吾觀其用也。密矣。彼立之君臣。父子夫婦兄弟之序。爲之衣食器用之物。節之以儀。通之以聲。習之以言。束縛之以刑。則世皆得而知之矣。若其擾之使相親。和之使相悅。厚之使相讓。以不爭。結之使樂出。其死而不顧其私。遷之使去於利。而就於誼。則非序也。物也。儀也。聲也。氣也。言也。形也。所能使爲之也。世固不測其所以爲也。然而萬民相得以治。是則其用亦非密耶。吾有以知之。

矣○生○而○死○萬○物○者○陰○與○陽○也○運○于○內○而○莫○顯○于○外○不○
可○得○而○窮○其○妙○也○世○之○以○水○火○雷○風○雪○霜○雨○露○而○求○
之○者○妄○也○親○而○善○萬○人○者○仁○與○義○也○興○于○上○而○陰○被○
于○下○馴○于○其○心○而○不○可○彊○通○于○其○耳○目○不○可○得○而○識○
其○微○也○世○之○侈○于○儀○繁○于○聲○音○執○于○器○據○于○文○字○以○
力○驅○而○法○縛○者○之○求○之○也○愈○妄○易○曰○陰○陽○不○測○之○謂○
神○又○曰○顯○諸○仁○藏○諸○用○善○播○萬○物○善○教○萬○民○者○爲○之○
也○

愚按此篇元豐類稿中遺漏而唐荆川先生文編
登之蓋用之時義誠大矣哉其彰施于外者猶淺

而易見其默運于中者實深而難知此公從易理
中詮出如許妙義也

雜識一

孫之翰言慶曆中上用杜衍范仲淹富弼韓琦任政事而以歐陽修蔡襄及甫等爲諫官欲更張庶事致太平之功仲淹等亦皆戮力自効欲報人主之知然

當作需

心好同惡異不能曠然心無適莫甫嘗家居石介過

之問介適何許來介言方過富公問富公何爲介曰

富公以滕宗諒守慶州用公使錢坐法杜公必欲致

陳明卿曰適莫之害如此

宗諒重法曰不然則衍不能在此范公則欲薄其罪

曰不然則仲淹請去富公欲抵宗諒重法則恐違范

公欲薄其罪、則懼違杜公、患是不知所決、甫曰、守道以謂如何、介曰、介亦竊患之、甫廼嘆曰、法者人主之操柄、今富公患重罪、宗諒則違范公、薄其罪、則違杜公、是不知有法也、守道平生好議論、自謂正直、亦安得此言乎、因曰、甫少而好學、自度必難用於世、是以退爲唐史記、以自見、而屬爲諸公牽挽、使備諫官、亦嘗與人自謀去就、而所與謀者、適好進之人、遂見誤在此、今諸公之言、如是、甫復何望哉、自此凡月餘、不能寐、慶曆之間、任時事者、其後余多識之、不黨而知

陳曰、好進之人、不可與謀

其過如之翰者則一人而已矣。

鍾伯敬曰今之執政議朝廷事大率富公而已安知所謂法哉宜公之拈出而感嘆也
愚按嘗傳韓范富歐殿上相爭下殿不失和氣以爲美談觀於此識則用法依違又不如之翰之論爲正矣
古人每有旁見側出者亦可補史氏之闕

其極收之歸香限一人而曰矣公多試之不

雜識二

廣原州蠻儂智高以其衆叛乘南方無備連邕賓等
七州至廣州所至殺吏民縱略東南大駭朝廷遣驍
將張忠蔣偕馳驛討捕至州皆爲智高所摧陷又遣
楊旼孫沔余靖招撫皆久之無功仁宗憂之遂遣樞
密副使狄青爲宣撫使率衆擊之翰林學士曾公亮
問青所以爲方略者青初不甯言公亮固問之青廼
曰○比○者○軍○制○不○立○又○自○廣○川○之○敗○賞○罰○不○明○今○當○立○
軍○制○明○賞○罰○而○已○然○恐○聞○青○來○以○謂○所○遣○者○官○重○勢○

必不得見之。公亮又問賊之標牌，殆不可當。如何？青曰：此易耳。標牌步兵也，當騎兵則不能施矣。初，張忠、蔣偕之往，率皆自京師。六七日馳至廣州，未嘗拊士卒，立行伍。一旦見賊，則疾驅使戰。又偕等所居，不知爲營衛。故士卒見敵，皆望風退走。而忠、臨偕居方臥帳中，爲賊所虜。楊畋、余靖又所爲紛亂，不能自振。而孫沔大受請托，所與行者，廼未從道。鄭紆、歐陽乾曜之徒，皆險薄無賴，欲有所避免，要求沔引之。自從遠近，莫不嗟異。旣至潭州，沔遂稱疾，觀望不敢進。青之

受命有因貴望求從青行者青延見謂之曰君欲從
青行此青之所求也何必因人言乎然智高小寇至
遣青行可以知事急矣從青之士能擊賊有功朝廷
有厚賞青不敢不爲之請也若往而不能擊賊則軍

○陳○明○卿○曰○一○嚇○而○止○

中法重青不敢私也君其思之願行則卽奏取君矣
非獨君也君之親戚交遊之士幸皆以青之此言告
之苟欲行者皆青之所求也於是聞者大駭無復敢
言求從青行者其所辟取皆青之素所與以爲可用
者人望固已歸之矣及行率衆日不過一驛所至州

輒休士一日至潭州遂立行伍明約束軍行止皆成

鍾○日○如○此○方○可○謂○有○制○之○兵○

行列至於荷鍾贏糧持守禦之備皆有區處軍人有

奪逆旅菜一把者立斬之以徇於是一軍肅然無敢

出聲氣萬餘人行未嘗聞聲每青至郵驛四面嚴兵

每門皆諸司使二人守之無一人得妄出入而求見

青者無不即時得通其野宿皆成營柵青所居四面

陳設弓弩皆數重所將精銳列布左右守衛甚嚴方

青之未至諸將屢走皆以爲常至是知桂州崇儀使

陳英宗知英州供備庫使蘇緘與賊戰復敗走如常

廟諱

時青至賓州、悉召陳與裨校凡三十二人、數其罪、按軍法斬之。惟蘇緘在某所、使械繫上聞、於是軍中人奮勵有死戰之心。是時智高還守邕州、青懼崑崙關險阨爲所據、乃下令賓州具五日糧、休士卒、賊謀知不爲備。是夜大風雨、青率衆半夜時度崑崙關、旣度喜曰、賊不知守此、無能爲也。彼謂夜半風雨時、吾不敢來、吾來所以出其不意也。已近邕州、賊方覺、逆於歸仁廟、青登高望之、賊據坡上、我軍薄之、裨將孫節中流矢死、青急麾軍進、人人皆殊死戰、先是青已

會文定公集 卷之四
縱○蕃○落○馬○軍○二○千○人○出○賊○後○至○是○前○後○合○擊○賊○之○標○
牌○軍○爲○馬○軍○所○衝○突○皆○不○能○駐○軍○士○又○從○馬○上○以○鐵○
連○加○擊○之○遂○皆○披○靡○相○枕○藉○遂○大○敗○智○高○果○焚○城○遁○
去○青○先○爲○公○亮○言○立○軍○制○明○賞○罰○賊○不○可○得○見○標○牌○
不○能○當○騎○兵○皆○如○其○所○料○青○坐○堂○戶○上○以○論○數○千○里○
之○外○辭○約○而○慮○明○雖○古○之○名○將○何○以○加○此○豈○特○一○時○
武○人○崛○起○者○乎○方○慶○曆○中○葛○懷○敏○與○李○元○昊○戰○於○廣○
川○懷○敏○敗○死○而○諸○校○與○士○卒○旣○敗○多○竄○山○谷○間○是○時○
以○權○宜○招○納○皆○許○不○死○自○此○軍○多○棄○其○將○不○肯○死○戰○

故青云自廣川之敗，賞罰不行云。翰林學士蔡襄亦言聞於青者如此。

鍾伯敬曰：立軍制，明賞罰，日行不過一驛，立行伍明約束，守備甚嚴，此兵之正也。至風雨夜半度崑崙關，縱蕃落馬二千出賊後，此兵之奇也。非正無以爲戰，非奇無以爲勝。觀青之方略而用兵之道，思過半矣。

愚按：公畱心用兵，機宜故東南益兵，劄子籌畫精詳，至送趙宏序與孫司封書，于儂智高情形不啻流涕痛哭矣。此識狄公平寇方略，正公快心之事。亦公得意之筆，令當日佈置料敵光景，栩栩飛動。其論貴望，請托邀賄冒功，今古同慨。而狄公危言中，仍復婉切，真不僅介胄中人規模也。

未從道未 楊云時有朱從道嘗知太平
字疑作朱 州漢亦有未姓未夾知天文

其公爵憲之軍令當日而置陳次是時公武言
武氣融突突北歸於公平承其志公志亦
其至也故武氣與舒同建書于廟特高其
名武公而心用武對宜為東南益兵備在
思武半矣
以爲舞非無以爲鄉雖青之衣習而用兵之
端開雖蕃蕃無二千出娘對北兵之合外其五
也雖求平衛其氣也兵之王也至其手與
戰則對曰立軍陣則賞賜其行不敵一
百聞風青香吸地
其青云自翼川之姐賞惜不許云饒材學士蔡寒止







